



ТЕБЕ, МАТИ БОГА НАШЕГО,  
ХВАЛИМ

# Николай С. Посадский

## Тебе, Мати Бога нашего, хвалим

*Текст предоставлен правообладателем*

*[http://www.litres.ru/pages/biblio\\_book/?art=6282810](http://www.litres.ru/pages/biblio_book/?art=6282810)*

*Тебе, Мати Бога нашего, хвалим (Богородичные сотницы) / Сост. Н. С.*

*Посадский.: Сибирская Благовонница; 2013*

*ISBN 978-5-91362-739-1*

### Аннотация

Неизреченна милость Господа к нам, грешным. И все же, несмотря на великую любовь к людям, Иисус Христос – строгий Судия наших мыслей и дел. Иногда даже святые заступники не в силах умолить Его о помиловании согрешившей души. И лишь Пресвятая Богородица матерними молитвами может изменить решение Своего Божественного Сына. Она – наша Заступница, единая наша Надежда и Помощь. Так будем же неустанно восхвалять и славословить Пречистую Деву Марию: «Радуйся, Благодатная; радуйся, Обрадованная; радуйся, Преблагословенная, Господь с Тобою и Тобою с нами во веки веков».

# Содержание

Сотница первая	6
Конец ознакомительного фрагмента.	20

**Тебе, Мати Бога  
нашего, хвалим  
(Богородичные сотницы)**



*Рекомендовано к публикации Издательским Советом Рус-  
ской Православной Церкви ИС 12-208-0651*



# Сотница первая



1. Богородице Дево, радуйся, Благодатная Марие, Господь с Тобою: благословенна Ты в женах и благословен Плод чрева Твоего, яко Спаса родила еси душ наших.

2. Радуйся, Благодатная, яко еще древле о Тебе рече Бог, яко Семя Твое сотрет главу змия – Сын Твой сокрушит диавола, проклятие и смерть. И ныне Тя, Богородицу, упразднившую державу змия древнего, сиречь диавола, и в мир введшую бессмертие, непрестанно величаем.

3. Радуйся, Благодатная, и, Исаие, ликуй, Дева име во чре-

ве, и роди Сына Еммануила, Бога же и Человека, Восток имя Ему; Егоже величающе, Деву ублажаем.

4. Рождество Твое, Богородице Дево, радость возвести всей вселенней: из Тебе бо возсия Солнце правды Христос Бог наш и разрушив клятву, даде благословение, и упразднил смерть, дарова нам живот вечный.

5. Высшую небес и Чистшую светлостей солнечных, избавльшую нас от клятвы, Владычицу мира песнями почитим.

6. Всяк земнородный да възиграется духом просвещаем, да торжествует же безплотных умов естество, почитающе священное торжество Богоматере, и да вопиет: радуйся, Всеблаженная Богородице, Чистая Приснодево.

7. Радуйся, Богородице Дево, радуйся, Похвало всея вселенныя, радуйся, Пречистая Мати Божия Благословенная, Юже вся тварь Божественными песнями величает.

8. Радуйся, величие Ангелов и человеков, светлое блистание Святаго Духа, Царица небеси и земли, на Небесех благословенная и на земли славословимая. Радуйся, Невесто Невестная.

9. На Синайстей горе виде Тя в купине Моисей, неопально

огнь Божества заченшую во чреве: Даниил же Тя виде гору несекомую, жезл прозябший, Исаия вzywаше, от корене Давидова, и лествицу одушевленную, юже Иаков виде, и дверь небесную, Тебе виденную Иезекиилем пророком, еюже никтоже пройде, токмо Един Христос Бог наш. Тем веселящися Тя, Марие Славная, достойно славим, величаем, православных Похвало.

10. Радуйся, Дево, яко купина неопалимая, та бо не сгораше опаляема, тако Дева родила еси и Дева пребыла еси нетленною, Приснодево.

11. Гору Тя, благодатию Божиею приосененную, прозорливыма Аввакум усмотрив очима, из Неяже изыти, провозглашаше, Святый, во спасение наше и обновление.

12. Кто Тебе не ублажит, Пресвятая Дево; кто ли не воспет Твоего Пречистаго Рождества; небесная поют Тя, Марие Богоневестная, и язык всяк православных похваляет, и блажит, и славословит преславное Рождество Твое.

13. Величаем Тя, Пресвятая Дево, и чтим святых Твоих родителей, и всеславное славим Рождество Твое.

14. Радуйся, Благодатная, поем Ти и величаем Тя, Пресвятая Дева, и чтим еже в храм Господень вхождение Твое.



Велий Господь и хвален зело, во граде Бога нашего, в горе Святей Его. Освятил есть Селение Свое Вышний. Святыня и великолепие во святиле Его. Свят храм Твой, дивен в правде. Сия врата Господня, праведнии выйдут в ня. Предста Царица одесную Тебе, в ризах позлащенных одеяна преиспещрена. Лицу Твоему помолятся богатии людстии. Вся слава Дщери Царевы внутрь.

15. Радуйся, Благодатная, Пречистый Храм Спасов, многоценный чертог и Дева, священное сокровище славы Божия днесь вводится в дом Господень,

Благодать совводящи, яже в Дусе Божественном, Юже воспевают Ангели Божии. Сия есть Селение небесное.

16. Днесь благоволения Божия предображение и человек спасение проповедание, в храме Божии ясно Дева является и Христа всем предвозвещает, Той и мы велегласно возопиим: радуйся, смотрения Зиждителява исполнение.

17. Радуйся, Благодатная, Богоизбранная Отроковица, приведенная во храм Господень и благословенная руками иереевыми. Ангели, вхождение Пречистыя зряще, удивишася, како Дева вниде во Святая святых, тем подаваша начало приведения к Богу рода человеческого.

18. Радуйся, Отроковице, яко Дверь жизни, входящая в

храм Господень во Святая святых, полагая таинство приведения к Богу рода человеческого.

19. Радуйся, Благодатная, Тебе, воспитавшейся во храме во Святая святых, украшенной верою и любовью, чистотою, и премудростию, и безмерным девством, Архистратиг Гавриил принесет с небесе целование. Радуйся, Благословенная, радуйся, Препрославленная, Господь с Тобою. И на небеси, и на земли величают Тя, Пресвятая Дева: Честнейшая Херувим и Славнейшая без сравнения Серафим.

20. Радуйся, Благодатная, яко о Тебе рече Архангел: родит от Духа Свята Сына, имя Ему Иисус, Сын Давидов, сын Аврамов, Той бо спасет люди Своя от грех их.

21. Радуйся, Благодатная, днесь спасения нашего главизна и еже от века таинства явление: Сын Божий Сын Девы бывает и Гавриил благодать благовествует. Темже и мы с ним Богородице возопиим: радуйся, Благодатная, Господь с Тобою.

22. Радуйся, Богоизбранная, егда бо востече ко Елисавете, младенец же оныя абие познав целование Твое, възграся радощами во чреве и устами ея возопи гласом велиим: и откуда мне сие, да прииде Мати Господа моего ко мне.

23. Радуйся, Благодатная, и воспоем славословие Твое:

величит душа Моя Господа и возрадовался дух Мой о Бозе Спасе Моем. Яко призре на смирение Рабы Своея, се бо отныне ублажат Мя вси роди. Яко сотвори Мне величие Сильный, и свято имя Его, и милость Его в роды родов боящимся Его.

24. Радуйся, Благодатная, и блажат Тя вси роди, Богородице Дево: в Тя бо Невместимый Христос Бог наш вместится благоволи. Блажени есмы и мы, предстательство Тя имущие: день бо и ночь молишися о нас, и вселенная Твоими молитвами утверждается. Тем воспевающе вопием Ти: радуйся, Благодатная, Господь с Тобою.

25. Радуйся, Чистая Мати, девство и рождество сочетавшая, яко чудо из чудес: Се, Дева во чреве приимет, и родит Сына, и нарекут имя Ему Еммануил, – возвещали и пророки, и Ангели.

26. Радуйся, Благодатная, девство и Рождество сочетавшая, селением Бога и Слова ставшая, от Тебе, Пресвятая Богородицы и Приснодевы Марии, изволил воплотиться нашего ради спасения

Един Сый Святыя Троицы, прославляемый Отцу и Святому Духу.

27. Безлетно бо от Отца возсиявый Сын Единородный,

Тойже от Тебе Чистыя пройде, неизреченно воплощся, естеством Бог сый и естеством быв Человек нас ради, не во двою лицу разделяемый, но во двою естеству неслитно познаваемый.

28. О чудо! Ибо чудо совершаемое в Тебе, Богородице: обновляется естество, и Бог Человек бывает: мы же Тобою хвалящися, яко Тебе ради Бога познахом и Тебе величаем.

29. Радуйся, Благодатная Богородице Дево, Матерь Господа Иисуса Христа, Сына Божия, Единороднаго, Иже от Отца рожденнаго прежде всех век, Света от Света, Бога истинна от Бога истинна, рожденна, несотворенна, единосущна

Отцу, Имже вся быша, нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася.

30. Радуйся, Благодатная, Бог бо воплотися от чистых кровей Твоих, ум и душу и плотское смешение прием, Богородице, от Твоих ложесн Пречистых. Бог Слово поистине Человек явися и Божественного существа общника человека яве показал еси (глас 7, песнь 9, Богородичен Воскресной полунощницы).

31. Ужасеся о сем небо и земли удивишася концы, яко Бог явися человеком плотски и чрево Твое бысть пространней-

шее небес: тем Тя, Богородицу, Ангелов и человек чиноначалия величают.

32. Радуйся, Невесто светлая, Мати Светодавца; радуйся, Невместимаго в небесех вместившая во утробе Твоей; радуйся, Дево, пророков проповедание, Еюже возсия Еммануил; радуйся, Мати Христа Бога, радость миру родившая.

33. Радуйся, Благодатная, наречем Тя Небо, яко возсияла еси Солнце правды; Рай, яко прозябла еси Цвет нетления; Деву, яко пребыла еси нетленна; Чистую Матерь, яко имела еси на святых Твоих объятиях Сына, всех Бога, Того моли спастися душам нашим.

34. Радуйся, Благодатная, яко Тобою Слово плоть бысть, и вселися, и обитало с нами, и видели мы Славу Его, яко Отчее сияние, и небо отверстым и Ангелов восходящих.

35. Слово Отчее, Христа Бога нашего, от Тебе воплотившагося, познахом, Богородице Дево, Едина чистая, Едина благословенная: тем непрестанно Тя воспевающе величаем.

36. Радуйся, Благодатная, Егоже родила еси, отдал бо нас во объятия Отчи и благослови взывати: Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси и на земли.

37. Радуйся, Преславная Божия Матерь и святых Ангел Святейшая, рождающая нам Бога воплощена.

38. Радуйся, Чистая, Бога плотию рождающая во спасение всех, Еюже род человеческий обрете спасение, Тобою да обрящем рай, Богородице Чистая, Благословенная.

39. Препоблагословенна еси, Богородице Дево, Воплощшим бо ся из Тебе ад пленися, Адам возвася, клятва потребися, Ева свободися, смерть умертвися, и мы оживом, тем воспевающе вопием: Благословен Христос Бог, благоволивый тако, слава Тебе.

40. Радуйся, Богородице Дево, от Тебе неизреченно воплощагося Христа Жизнодавца страхом прославим, Егоже трепещут и трясутся Херувимы и славословят Ангельская воинства.

41. Со Ангелы небесная, с человеки земная, гласом радования, Богородице, вопием Ти: радуйся, врата небес ширшая, радуйся, Единая земнородных спасение, радуйся, Чистая, Благодатная, рождающая Бога воплотившагося.

42. Радуйся, Благодатная, рождающая Бога и Слово, о Нем да воспеваем: Седяй в славе на Престоле Божества, во облаце

легче, прииде Иисус Пребожественный нетленною дланию и спасе сядящая во тьме и сени смертной.

43. Радуйся, Всепетая, небес Превышшая, безначальное Слово безсеменно заченшая и воплощеннаго Бога рождающая человеком: тем Тя вси величаем.

44. Радуйся, Чистая, яко Скиния и Святая святых и одушевленное Селение Божией славы.

45. Радуйся, Дево, воспеваемая яко град, и селение, и жилище, и чертог, и престол, и звезда, являющая Солнце правды, Христа Бога нашего.

46. Неизреченно в последняя заченшая и рождающая Создателя Твоего, Дево, спасай Тя величающая.

47. Радуйся, Всепетая Мати и Дево, повелению законному повинующаяся, принесе в Божественное святилище всех святых Святейшее Слово, Егоже прием Симеон на руки своя, возрадовался вопия: ныне отпускаеши раба Твоего, Владыко, по глаголу Твоему, с миром: яко видесте очи мои спасение Твое, еже еси уготовал пред лицом всех людей, Свет во откровение языком и славу людей Твоих Израиля.

48. Радуйся, Благодатная Богородице Дево, из Тебе бо

возсия Солнце правды, Христос Бог наш, просвещаяй сущия во тьме. Веселися и ты, старче праведный, приемый во объятия Свободителя душ наших, дарующаго нам воскресение.

49. Радуйся, Богомати, во храм Господень с Божественным Младенцем на сретение всему миру пришедшая; радуйся, Ангели и человеки во сретении Твоем соединившая.

50. Радуйся, Богомати, яко понуди Сына Своего явити силу Божества, егда претвори воду в вино и исцеления и чудеса нача творити.

51. Радуйся, Благодатная, яко Сын Твой на горе Фавор возсия светом Божественным пред пророки и апостолы, яви людям славу Преображения, егда люди правовернии яко Ангели будут.

52. Радуйся, Благодатная, Егоже родила еси, Той спасение содела посреде земли, сего ради Бог на землю сниде, да нас на небеса возведет.

53. Радуйся, Мати Божия, стояще бо при Кресте Иисусове и видя вольные страдания, прияла еси служение яко Матерь всего рода христианского.

54. Радуйся, Благодатная, да воспевает Ти: еже от века



утаенное и Ангелом несведомое таинство, Богородице, сущим на земли явися Бог, в неслитном соединении воплощаем и Крест волею нас ради восприим, имже воскреси первозданного, спасе от смерти души наша.

55. Радуйся, Благодатная, да Сына Твоего хвалим, благословим и воспеваем: разрушил еси Крестом Твоим смерть, отверзл еси разбойнику рай, мироносицам плач преложил еси и апостолам проповедати повелел еси, яко воскресл еси, Христе Боже, даруй миру велию милость.

56. Радуйся, Дево, радуйся, Благословенная, радуйся, Препрославленная: Твой бо Сын Воскресе тридневен от гроба.

Светися, ликуй и веселися, Чистая Богородице, о востании Рождества Твоего.

57. Радуйся, Богородице и Матерь Света, достойно есть блажити Тя, яко родила еси Бога Слова, Егоже Воскресшаго тридневно Христа воспевают вся земнородные и Силы Небесныя.

58. Радуйся, Благодатная, Сын бо Твой воцарися, в лепоту облечеса, волею нас ради пострада и смертию Своею нашу смерть умертви и воскресением живот дарова любящим Его.

59. Ангел вопияше Благодатней: Чистая Дево, радуйся, и паки реку, радуйся, Твой Сын воскресе тридневен от гроба и мертвыя воздвигнувый, людие, веселитесь.

60. Светися, светися, Новый Иерусалиме, Слава бо Господня на тебе возсия, ликуй ныне и веселися Сионе: Ты же, Чистая, красуйся, Богородице, о востании Рождества Твоего: видехом бо Свет Истинный, прияхом Духа Небеснаго, обретохом веру истинную, Нераздельней Троице поклоняемся: Та бо нас спасла есть.

61. Радуйся, Благая, жребий апостольскаго служения в земли Иверстей получившая; радуйся, готовая Служительнице Сына Своего и Бога.

62. Радуйся, Благодатная, Господь с Тобою. Величаем Тя, Пресвятая Дево, Богоизбранная Отроковице, и чтим еже в храм Господень вхождение Твое, почитаем Богоотец Иоакима и Анну и всеславное славим Успение Твое – переход от земли на небо к вечному бессмертию, идеже вси вернии будут в славе Трисолнечного Света.

63. Радуйся, Благодатная, яко на руках Своих носила Младенца Бога Слова, тако и во Успении Твоем Сын Божий возносит на руках Своих душу Твою во Врата Небесные.

64. Ангели Успение Пречистыя видевше, удивишася, како Дева восходит от земли на небо.

65. Радуйся, Благодатная, лестнице к небеси, в Тебе, Дева Чистая, побеждаются естества уставы, по рождестве Дева, и по смерти жива, спасаеши присно, Богородице, наследие Твое.

# Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.